

A R G O V I A.

à meridie & oriente Rhæti sunt, ab occasu Vrii & Suitii; à septentrione castra Rhætica. Hujus regionis jurisdictio ac proventus tempore S. Fridolini donata fuit per Comitem quendam monasterio Seckingenli, sub Clodoveo I Francorum Rege, qui primus Francorum Regum Rhætiae, Allemanniae, & Helvetiae imperavit. Succedentibus post sæculis in libertatem se vindicavit, & Helvetici fœderis pars facta fuit anno Domini 1252. Quia vero incolæ montium fauces & angustias incolunt, pauci feruntur agri, & rariora apparent vineta. Hortis tamen gaudent pomiferis & pratis; piscium proventus uberem sufficiunt lacus; avium & ferinarum carniarum copiam montes & silvæ. Nobilis est natalibus doctissimorum virorum, Glarenni & Egidii Tscudi.

Accensentur huic regioni Comitatus Hamburg, Baronatus Humberg, & Ringerberg.

Distribuitur hic pagus in partes xv. Cum Suisantibus alternatim præfectos mittunt, Vfenacum, Visnac, & in castra Rhætica *Wesom*.

Est in toto hoc Argoviæ tractu lacus memorabilis, haud longe à Lucerna, pene in summo montis jugo, loco solitario & paludoso. Eum silvæ arboreæque, tanquam si terribilis esset, circumdant. Narrant ea, quæ in illum conjiciuntur, horrendas ciere tempestates, omniaque inundare; quæ vero casu illabuntur, nihil adferre periculi. Locus est visu horrendus, aqua suo alveo inclusa, nec exitum habet, nec flumen in se recipit, nec nivibus, nec pluviis augetur; ventis etiam minime agitur. Neque fas est peregrinis illum locum adire, ne temere quid injiciant, unde vicina periclitetur regio.

*Lacus mirabilis.*

Flumina sunt *Limagus, Rusa, & Arola*, qui omnes in Rhenum exonerantur.

*Flumina.*

